



N°325  
Entrée le 13.02.2024  
Chambre des Députés  
Déclarée recevable  
Président de la Chambre des Députés  
(s.) Claude Wiseler  
Luxembourg, le 13.02.2024  
Chambre des Députés

Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 13/02/2024

Här President,

**Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministere fir den Interieur & Aarbecht weiderzeleeden.**

Gemengemandatairen hunn ee Recht op ee Congé politique, fir dass si hiert Mandat och onofhängeg erfëlle kënnen. Um Site vum Inneministère kann een noliesen:

"Les bourgmestres, échevins et conseillers communaux ont droit à un congé politique pour les heures de travail consacrées à l'exercice de leur mandat politique. Le droit au congé politique se fonde sur les articles 78 à 81 de la loi communale modifiée du 13 décembre 1988."

Am groussherzogleche Reglement vum 6ten Dezember 1989 gëtt präziséiert, dass de Gemengemandataire de Congé am Prinzipp "à sa convenance" kann huelen an dass de Congé als Aarbechtszäit ze gesinn ass, mam Beibehale vum Aarbechterschutz an der Sozialversécherung.

An den Äntwerter op virrecht parlamentaresch Froen (n°7226&7244) hat den deemolegen Aarbechtsminister erkläert, dass Persounen an enger Aarbechtesmeasure bei der ADEM (OTI, CAE, CIE, SP oder CRE) kee Recht op extraordinaire Congéeën hunn. Dëst, well dës Persounen an enger Mesure spéciale net als "Salarié" gëllen.

An deem Zesammenhang wëlte mir de Ministeren dës Froe stellen:

1. Gëllt de Congé politique fir Persounen, déi an enger Aarbechtesmeasure bei der ADEM ageschriwwen sinn?  
Falls net, wäert d'Regierung hei Ännerungen virgesinn?
2. Wäert déi nei Regierung dofir suergen, dass d'Leit an enger Mesure d'emploi bei der ADEM an Zukunft och vun de Congés extraordinaires kënnen profitéieren?

Mat déiwem Respekt,



[www.piraten.lu](http://www.piraten.lu)

---



CLEMENT Sven  
Deputéierten



GOERGEN Marc  
Deputéierten





**Äntwert vum Här Inneminister, Léon Gloden, a vum Här Aarbechtsminister, Georges Mischo, op d'parlamentaresch Fro n° 325 vun den honorabelen Deputéierte Sven Clement a Marc Goergen zum Sujet "Congé politique dans le cadre d'une mesure en faveur de l'emploi"**

**Fro 1**

De Congé politique gëllt net fir Persounen, déi an enger Aarbechtsmeasure bei der ADEM ageschriwwen sinn, well all déi Mesuren nët op engem Aarbechtskontrakt baséieren, mee op Kontrakter *sui generis*, esou wéi dat och vun den verschiddene Geriichtsinstanzen e puer Mol festgehale ginn ass.

Just am Kader vun deenen sougenannte Mesures spéciales (MS), déi op engem richtegen Aarbechtskontrakt baséieren (CDD), quitte dass d'Bénéficiairen dovunner och weider bei der ADEM ageschriwwen bleiwen, ass den Demandeur d'emploi e Salarié, dee vun deenen normale Congés extraordinaires a spéciaux ka profitéieren.

Bei enger *Occupation temporaire indemnisée* (OTI) oder engem *Contrat d'appui-emploi* (CAE), *Contrat d'initiation à l'emploi* (CIE), *Stage de professionnalisation* (SP) oder *Contrat de réinsertion-emploi* (CRE) ass dat net de Fall, an dofir ass de Congé politique hei och net applicabel.

**Fro 2**

Et ass aktuell net geplangt, d'Base légale deementspreechend unzepassen, fir dass Leit, déi an enger Mesure d'emploi sinn, vun de Congés extraordinaires kënnen profitéieren.

Lëtzebuerg, de 14. Mäerz 2024  
Den Inneminister  
(s.) Léon Gloden